



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LESITHATHU (P3)

NOVEMBA 2012

IMITLOMELO: 100

ISIKHATHI: ama-iri ama-2½

Iphepheli linamakhasi ali-7.

YELELA

1. Iphepheli LINEENGABA EZINTATHU, u-A, B kanye nesigaba -C.
ISIGABA A: Amatheksti wokuzitlamela (50)
ISIGABA B: Amatheksti amade wokuthintana (30)
ISIGABA C: Amatheksti wokuthintana amithombo, anikela ilwazi,
abukelwako kanye naweendlela ezahlukahlukeneko
zokuthintana (20)
2. Khetha imibuzo ukuya ngemiyalo onikelwe yona.
3. Phendula umbuzo OWODWA esigabeni ngasinye.
4. Thoma umbuzo NGAMUNYE ekhasini ELITJHA.
5. Kufuze utlame isib: umebhengqondo, umgwalo/amaflowutjhadi/amagama amumongo ubuyekeze bewulungise neemphoso emsebenzinakho. Umtlamakho awuvele nanyana ubonakale NGAPHAMBI kwendaba.
6. Niyayeleliswa kobana nisebenzise okungenani imizuzu ema-80 KUSIGABA A, imizuzu ema-40 KUSIGABA B bese kuthi imizuzu ema-30 kube NGEYESIGABA C. Iimpendulo azinikelwe iinomboro ezifana nalezo eziseenhlokwaneni ezinikelweko.
7. Tlola ngesandla esihle nesibonakalako.
8. Ngileyo naleyo pendulo ayinikelwe isihloko sayo.
9. Ukupeledwa kwamagama kanye nokwakhiwa kwemitjho kuzokuyelelwa khulu.

ISIGABA A: AMATHEKSTI WOKUZITLAMELA**UMBUZO 1**


Khetha isihloko ESISODWA utlole indaba engaba magama ama-340–390.

Tlola umebhengqondo/idayagramu/amaflowutjhadi/amagama aqakathekileko nokhunye bewubuyelele ufunde umsebenzakho ukuze ungabi neemphoso ezinengi.

- 1.1 Mhlazana uNgqongqotjhe wezeFundo azokwamukelisa isikolo sethu unongorwana wokuba sikolo esisebenze kuhle ukuzidlula zoke esifundeni sangekhetu. Tlola indaba ngesihlokweni uveze zoke izehlakalo zangalelo langa. **[50]**
- 1.2 Mhlazana ngithola imiphumela eyayitjho bona ngiyokubuyelela igreyidi le-11 kwesithathu. Tlola indaba uveze amazizwakho ngesihlokweni. **[50]**
- 1.3 Tlola indaba uveze umbumbi nobuhle bokucocisana nomuntu ongamaziko ngeendlela zokuthintana ezifana nama-*Face book*, *Twitter* nezinye. **[50]**
- 1.4 Kubonakala izinga lefundo liya ngokuya lisehla nalimadani swa neleminyakeni eyadlulako. Tlola abonobangela bewutjho nokobana kungenziwani ukuqeda ubujamobu. **[50]**
- 1.5 Ukufundiswa kwabantwana eenkolweni zabantu abanzima ngelimi lesiNgisi ngunobangela wokobana bangaphumeleli ngamalengiso eemfundweni zabo. Nangathana iimfundo bezifundiswa begodu zifundwa ngelimi lesiNdebele bebazokuphumelela ngamalengiso. Tlola indaba uvumelane nofana uphikisane nombono lo. **[50]**
- 1.6 Indlela engamvikela ngayo udadwethu lokha nakathathelwa isikhwama botsotsi.


Tlola indaba uhlathulule ubujamobo. **[50]**

- 1.7 Qalisisa isithombe esilandelako bese utlola ngaso indaba. Yipha indabakho isihloko esiyifaneleko.



[50]

1.8 Qalisisa isithombe esilandelako bese utlola ngaso indaba. Yipha indabakho isihloko esiyifaneleko.



[50]

IMITLOMELO YESIGABA A: 50

ISIGABA B: AMATHEKSTI AMADE WOKUTHINTANA**UMBUZO 2**

Khetha isihloko **ESISODWA** bese utlola ngaso ngamagama ali-100 ukufika kwali-120.

- 2.1 Unomngani ozwa batjho sele athome ukubhema iindakamizwa. Uzwe bona ngamanye amalanga uyahlala angayi esikolweni ngaphandle kwesizathu. Mtlelele **incwadi** umyelelise ngobungozi azifaka kibo. [30]
- 2.2 Tlolela isipholisa sendawo yekhenu **umbiko** usazise ngomkhutjana omumbi osele uthoma ukwanda ngendaweni yekhenu wokuthathelwa kwabantu bokukhamba ipahla abayithengisako. [30]
- 2.3 Njengabafundi abenza igreyidi le-12 benibambe umhlangano lapha benikhuluma ngamalungiselelo womnyanya wokulayelisana. Tlola **i-ajenda** ekhambisana **namaminithi** womhlangano lowo. [30]
- 2.4 Nihlongakalelwe ngumalumakho ebenihlala naye ngendlini eyodwa. Tlola **umlando kamufi** ozokufundelwa abantu abeze esilahlweni sakhe.



[30]

IMITLOMELO YESIGABA B: 30

ISIGABA C: AMATHEKSTI WOKUTHINTANA AMITHOMBO, ANIKELA ILWAZI, ABUKELWAKO KANYE NAWEENDLELA EZAHLUKAHLUKENEKO ZOKUTHINTANA.**UMBUZO 3**

Khetha isihloko **ESISODWA** bese utlola ngaso ngamagama ama-80 ukufika kwali-100.

- 3.1 Njengombana iinkolo zizokuvalwa nje wena nabangani bakho nicabanga ukusungula irhwebo lokuhlaza iinkoloyi. Tlola **iflaya** ukhangise irhwebo lenwelo. [20]
- 3.2 Beninekhambo lokuya ejele lezobulungiswa ePaxton ngeWitbank la beniyokufundiswa ngepilo yangejele ngehloso yokunikhuthaza bona ningenzi ubulelesi. Tlola **ngakumalangenakho/ngakudayari** izehlakalo zangalelo langa. [20]
- 3.3 Umnganakho osele unesikhathi eside ucoca naye ku-*Face book* ufuna ukuza ekhenu nizokubonana ubuso nobuso. Kulula bona angakhwela bekafike esithabathabeni seentolo enithenga kiso. Mtlolele **iinkomba** ezikhambisana nehlathululo engaba sigaba esisodwa ukusuka esithabathabeni seentolo ukufika ekhenu. [20]

IMITLOMELO YESIGABA B: 20
INANI LOKE : 100